

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 46. stav (4) Zakona o izvršenju Budžeta Zeničko-dobojskog kantona za 2023.godinu („Službene novine Zeničko-dobojskog kantona”, broj: 3/23 i 10/23), na prijedlog Ministarstva zdravstva, Vlada Zeničko-dobojskog kantona, na 20. sjednici, održanoj dana 08.03.2024. godine, d o n o s i

ZAKLJUČAK

o usvajanju Izvještaja o utrošku sredstava po Programu utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“

I.

Usvaja se Izvještaj o utrošku sredstava po Programu utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, koji je sastavni dio ovog zaključka.

II.

Zaključak stupa na snagu danom donošenja.

Broj: 02-_____/24
Datum, 08.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA
PLANIRANIH U
BUDŽETU ZENIČKO-DOBOJSKOG KANTONA ZA 2023. GODINU
NA POZICIJI
„KAPITALNI TRANSFERI DRUGIM NIVOIMA VLASTI-ZA ZDRAVSTVO“**

Zenica, februar 2024. godine

I Uvod

U skladu sa članom 33. stav (3) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti - za zdravstvo“, koristit će se prema programu utroška, odnosno prema aktima koje donosi Vlada Kantona.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, planirana su sredstva u iznosu 4.301.700,00 KM.

Odlukom Vlade Kantona o preraspodjeli sredstava u Budžetu Zeničko-dobojskog kantona za 2023. godinu broj: 02-11-9145/23 od 02.06.2023. godine, sredstva na poziciji 615100- „Kapitalni transferi drugim nivoima vlasti - za zdravstvo“ uvećana su za 643.592,00 KM i to preraspodjelom sredstava sa Kantonalne direkcije za ceste, pozicija 615100- „Kapitalni transferi drugim nivoima vlasti“ u iznosu 600.000,00 KM i Ministarstva za rad, socijalnu politiku i izbjeglice, pozicija 614100-KAD 221- „Poticaj zapošljavanja mladih“ u iznosu 43.592,00 KM.

Vlada Zeničko-dobojskog kantona donijela je Odluku o raspodjeli planiranih sredstava u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, broj: 02-11-9511/23 od 09.06.2023. godine, kojom je utvrđena raspodjela kapitalnih transfera za:

- a) Kapitalne transfere za JU Kantonalna bolnica Zenica - sredstva u iznosu 2.079.000,00 KM i
- b) Kapitalne transfere za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine- sredstva u iznosu 2.866.292,00 KM.

Vlada Kantona, na prijedlog Ministarstva zdravstva, a u skladu sa Odlukom broj: 02-11-9511/23 od 19.05.2023. godine, usvojila je Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine u ukupnom iznosu 4.945.292,00 KM.

JU Kantonalna bolnica Zenica obratila se Ministarstvu zdravstva zahtjevom broj: 01-11-7699/23 od 01.11.2023. godine za izmjene programa utroška sredstava u smislu povećanja planiranih sredstava za:

- a) Program utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“ broj: 02-11-5925/23 od 11.04.2023. godine (za 467.844,60 KM) i
- b) Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine (za 187.863,35 KM).

U zahtjevu je navedeno da se dodatna planirana sredstva obezbjeđuju preraspodjelom sredstava sa pozicije 614100, Tekući transfer za JU Kantonalna bolnica Zenica-za PDV po projektu "Poboljšanje energetske efikasnosti u JU Kantonalna bolnica Zenica" koji se finansira iz kredita EBRD, za koje je evidentno da se sredstva neće utrošiti do kraja 2023. godine.

Ministarstvo finansija, na prijedlog Ministarstva zdravstva, a u skladu sa članom 15. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23) donijelo je Odluku o preraspodjeli rashoda u Budžetu Zeničko-dobojskog kantona broj: 07-03-01/11-9396-2-1/23 od 09.11.2023. godine, kojom su sredstva u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ uvećana za 187.865,00 KM. Uzimajući u obzir uvećanje planiranih sredstava na poziciji „Kapitalni transferi drugim nivoima vlasti - za zdravstvo“, neophodno je bilo usvojiti novi Program utroška sredstava koji će obuhvatiti sve nabavke planirane Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine i dodatne planirane nabavke u iznosu 187.865,00 KM.

Imajući u vidu naprijed navedeno ukupno planirana budžetska sredstva na poziciji „Kapitalni transferi drugim nivoima vlasti- za zdravstvo“ u 2023. godini povećana su sa 4.945.292,00 KM na iznos 5.133.157,00 KM (4.301.700,00 KM+643.592,00 KM + 187.865,00 KM).

Vlada Kantona, na prijedlog Ministarstva zdravstva, a u skladu sa Odlukom broj: 02-11-17425/23 od 23.11.2023. godine, usvojila je Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-17500/23 od 23.11.2023. godine u ukupnom iznosu 5.133.157,00 KM.

U toku realizacije Projekta „Od spoznaje do liječenja: Žene glavni nosioci prava na zdravlje u BiH“, koji je sufinansirala italijanska Agencija za kooperaciju i razvoj (AICS), koji je realizovan u partnerstvu sa RE.TE.- Udruženje tehničara za solidarnost i međunarodnu saradnju, Ministarstvom zdravstva Zeničko-dobojskog kantona, Zavodom zdravstvenog osiguranja Zeničko-dobojskog kantona, JU Institut za zdravlje i sigurnost hrane Zenica i JU Kantonalna bolnica Zenica, italijanski partner je donirao sredstva u iznosu od 66.750,74 KM za nabavku medicinskog aparata tomosinteza (uplata donacije je izvršena 29.06.2023. godine).

Vlada Kantona donijela je Odluku o uvećanju Budžeta Zeničko-dobojskog kantona broj: 02-11-10981/23 od 07.07.2023. godine kojom su planirana sredstva iz donacija na poziciji „Kapitalni transferi drugim nivoima vlasti - za zdravstvo“ uvećana za 66.751,00 KM, a isto je uvršteno u Izmjene i dopune Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 20/23).

Uzimajući u obzir prethodno navedeno ukupno planirana sredstva za kapitalne transfere za zdravstvo iz Budžeta Zeničko-dobojskog kantona za 2023. godinu iznose 5.199.108,00 KM, od čega se na sredstva donacija odnosi 66.751,00 KM i na budžetska sredstva 5.133.157,00 KM.

II Realizacija Programa utroška sredstava na poziciji „Kapitalni transferi drugim nivoima vlasti- za zdravstvo“-planirana sredstva 5.133.157,00 KM

Ukupni rashodi po osnovu kapitalnih transfera za zdravstvo u periodu januar-decembar 2023. godine iznose **5.139.583,38 KM**, od čega se na realizaciju kapitalnih transfera iz budžetskih sredstava odnosi **5.114.516,38 KM**, a na realizaciju kapitalnih transfera iz doniranih sredstava iznos od **25.067,00 KM**.

Rashodi po osnovu kapitalnih transfera iz budžetskih sredstava iznose ukupno 5.114.516,38 KM, što predstavlja 99,6 % planiranih sredstava.

U sljedećem tabelarnom pregledu data je struktura planiranih i utrošenih sredstava za kapitalne transfere za zdravstvo u periodu januar-decembar 2023. godine (bez rahoda iz donacija):

Red. br.	Vrsta ulaganja	Budžet 2023. godine	Izvršenje januar-decembar 2023. godina	% Izvršenja u odnosu na Budžet 2023.	Stanje obaveza na dan 31.12.2023. godine
1.	Kapitalni transferi JU Kantonalna bolnica Zenica	2.266.865,00	2.251.487,38	99,3	0
1.1	- Nabavka medicinske i nemedicinske opreme	1.089.106,15	1.089.105,02	100,00	0
1.2	- Građevinski radovi	1.153.474,81	1.152.181,13	99,9	0
1.3	- Nabavka rezervnih dijelova za medicinsku i nemedicinsku opremu	24.284,04	10.201,23	42,0	0
2.	Kapitalni transferi za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine	2.866.292,00	2.863.029,00	99,9	200.000,00
	UKUPNO (1.+2.)	5.133.157,00	5.114.516,38	99,6	200.000,00

1. Kapitalni transferi JU Kantonalna bolnica Zenica - planirana sredstva 2.266.865,00 KM

Ukupni rashodi po osnovu kapitalnih transfera za JU Kantonalna bolnica Zenica u periodu januar -decembar 2023. godine iznose **2.251.487,38 KM**, što je 99,3 % planiranih sredstava na godišnjem nivou i odnose se na: građevinske radove (1.152.181,13 KM ili 51,2 %), nabavku medicinske i nemedicinske opreme (2.251.487,38 KM ili 48,4%), i nabavku rezervnih dijelova za medicinsku i nemedicinsku opremu (10.201,23 KM ili 0,5 %).

1.1. Nabavka medicinske i nemedicinske opreme – planirana sredstva 1.089.106,15 KM

Vlada Zeničko-dobojskog kantona donijela je ukupno sedam (8) odluka o odobravanju sredstava za nabavku medicinske i nemedicinske opreme, koje se odnose na realizaciju ranije zaključenih ugovora o nabavci, kao i ugovora o nabavci koji su zaključeni u toku 2023. godine. Ukupno odobrena sredstva po navedenim odlukama iznose 1.098.105,02 KM, što je na nivou planiranih godišnjih sredstava za ove namjene u 2023. godini.

U sljedećem pregledu dati su podaci o odlukama o odobravanju sredstava za nabavku medicinske i nemedicinske opreme, kao i vrsti opreme koja je nabavljena:

Red. br.	Svrha odobrenja sredstava- nabavka medicinske i nemedicinske opreme	Broj Odluke	Iznos odobren Odlukom	Dobavljač	Ugovor/faktura	Izvršenje januar-decembar 2023. godine
1.	Odlukao odobravanju sredstava JU Kantonalna bolnica Zenica za pokriće troškova nabavke medicinske opreme proizvođača „Siemens“ – SPECT kamera	02-11-9841/23 od 15.06.2023 godine	292.166,52	„Diamedic“ d.o.o. Sarajevo	32-04-8446/21 od 31.12.2021. godine	292.166,52
2.	Odluka o odobravanju sredstava JU Kantonalna bolnica Zenica za pokriće troškova nabavke anestezioloških aparata	02-11-9840/23 od 15.06.2023 godine	292.383,00	„Diamedic“ d.o.o. Sarajevo	22-04-9656/22 od 26.12.2022. godine	292.383,00
3.	Odlukao odobravanju sredstava JU Kantonalna bolnica Zenica za nabavku operacionog stola	02-11-9839/23 od 15.06.2023 godine	116.415,00	„Proma“ d.o.o. Sarajevo	22-04-9537/22 od 22.12.2022. godine	116.415,00

4.	Odluka o odobravanju sredstava JU Kantonalna bolnica Zenica za pokriće troškova nabavke ultrazvučnog aparata proizvođača „GE Medical Systems“	02-11-9838/23 od 15.06.2023 godine	75.465,00	„Medical“ d.o.o. Mostar	32-04-9398/22 od 16.12.2022. godine	75.465,00
5.	Odluka o odobravanju sredstava JU Kantonalna bolnica Zenica za pokriće troškova nabavke aspiratora za hirurške sale	02-11-9834/23 od 15.06.2023 godine	12.823,20	„Paroco-B“ d.o.o. Banja Luka	22-04-9910/22 od 30.12.2022. godine	12.823,20
6.	Odluka o odobravanju sredstava JU Kantonalna bolnica Zenica za nabavku dodatne opreme za ultrazvučni aparat za potrebe Odjela urologije	02-11-9833/23 od 15.06.2023 godine	18.133,83	„Siemens medicina“ d.o.o. Sarajevo	22-04-969/23 od 13.02.2023. godine	18.133,83
7.	Odluka o odobravanju sredstava JU Kantonalna bolnica Zenica za pokriće troškova nabavke medicinskog namještaja u bolesničkim sobama	02-11-9832/23 od 15.06.2023 godine	116.859,60	„Derby Trade“ d.o.o. Brčko	22-04-9585/22 od 22.12.2022. godine	116.859,60
8.	Odluka o odobravanju sredstava JU Kantonalna bolnica Zenica za pokriće troškova nabavke medicinske i nemedicinske opreme u 2023. godini-ukupno	02-11-18456/23 od 11.12.2023 godine	164.858,87			164.858,87
U tome medicinska oprema :						
8.1	- EKG holter za potrebe Odjela pedijatrije			"BAWARIA MED" d.o.o. Banja Luka	3124/23 od 20.09.2023. godine	6.762,60
8.2	-Rekorder za EKG holter za potrebe Odjela interne medicine sa hemodijalizom			"BROMA BEL" d.o.o. Banja Luka	FA-6218/23 od 28.04.2023. godine	8.775,00
8.3	-Dijagnostički audiometar			"INEL BH" d.o.o. Maglaj	EK-F-186/2023 od 23.05.2023. godine	6.613,43
8.4	-EKG aparat 3-kanalni za potrebe Odjela fizikalne medicine i rehabilitacije			"MEDICAL " d.o.o. Mostar	23-300-000456 od 08.05.2023. godine	2.340,00
8.5	-Grijač za krv i IV tekućine i grijač za pacijente			„OMNIA MEDIC“ d.o.o. Zenica	101-001-286/2023 os 19.04.2023. godine	7.488,00
8.6	-Bioptron lampa za potrebe Odjela fizikalne medicine i rehabilitacije			„ZEPTEK INTERNACIONAL“ d.o.o. Sarajevo	SA23Z00529 od 26.05.2023. godine	4.300,35
U tome nemedicinska oprema:						
8.7	Centralni UPS uređaj za potrebe Centralne laboratorije			„SICON SAS“ d.o.o. Tuzla	23-300-000177 od 22.05.2023. godine	35.096,49
8.8	Lift na Odjelu dermatovenerologije			„EURO PROST“ d.o.o. Gračanica	021/00362 od 08.05.2023. godine	93.483,00
UKUPNO			1.089.105,02			1.089.105,02

Na dan 31.12.2023. godine nema neizmirenih obaveza po osnovu odluka o odobravanju sredstava za nabavku medicinske i nemedicinske opreme za potrebe JU Kantonalna bolnica Zenica.

1.2. Građevinski radovi-planirana sredstva 1.153.474,81 KM

Rashodi po osnovu planiranih sredstava za građevinske radove u JU Kantonalna bolnica Zenica u 2023. godini iznose 1.152.181,13 KM ili 99,9% planiranih sredstava.

U sljedećem pregledu dati su podaci o odlukama o odobravanju sredstava za građevinske radove u JU Kantonalna bolnica Zenica:

Red. br.	Svrha odobrenja sredstava-nabavka građevinskih radova	Broj Odluke	Iznos odobren Odlukom	Dobavljač	Ugovor	Izvršenje januar-decembar 2023. godine
1.	Odluka o odobravanju sredstava za građevinske radove na instalaciji kisika i komprimiranog zraka	02-11-4760/23 od 28.09.2023. godine	38.671,31	„Alfa Med“ d.o.o. Tonislavgrad	32-04-8840/22 od 01.12.2022. godine	38.671,31
2.	Odluka o odobravanju sredstava za građevinske radove na rekonstrukciji, dogradnji i nadogradnji postojećih bolničkih prostora Odjela internomedicine sa hemodijalizom-Koronarna jedinica	02-11-14761/23 od 28.09.2023 godine	700.706,57	„Inter“ d.o.o. Tešanj	22-04-6520/23 od 11.09.2023. godine	700.706,57
3.	Odluka o odobravanju sredstava za građevinske radove na izgradnji objekta za tretman infektivnog otpada	02-11-15272/23 od 09.10.2023 godine	400.000,00	Konzorcij „Tehno-promet“ d.o.o. Zenica i „Iner-Ex“ d.o.o. Tuzla	22-04-6541/23 od 11.09.2023. godine	400.000,00
4.	Odluka o odobravanju sredstava za pokriće troškova nabavke građevinskih radova u 2023. godini -sanacija asfaltnih površina na saobraćajnicama unutar kruga JU Kantonalna bolnica Zenica	02-11-18457/23 od 11.12.2023. godine	12.803,25	„Komgrad-Ze“ d.o.o. Zenica	S22-3/23-S22 od 20.01.2023. godine	12.803,25
UKUPNO			1.152.181,13			1.152.181,13

JU Kantonalna bolnica Zenica je zaključila Ugovor broj: 22-04-6520/23 od 11.09.2023. godine za građevinske radove na rekonstrukciji, dogradnji i nadogradnji postojećih bolničkih prostora Odjela interne medicine sa hemodijalizom-Koronarna jedinica. Ukupna vrijednost ugovorenih radova iznosi 700.706,57 KM sa PDV-om sa plaćanjem bezavansno u roku od 60 dana od dana završetka i primopredaje radova za svaku privremenu situaciju, a prema ispostavljenoj fakturi. Izvođač radova prema Ugovoru se obavezao da će ugovorene radove izvršiti u roku od 5 mjeseci od dana uvođenja u posao od strane ovlaštenog lica. Ministarstvo zdravstva je sa 31.12.2023. godine po ovom osnovu transferisalo JU Kantonalna bolnica Zenica ukupan iznos ugovorenih sredstava.

Do izrade ovog izvještaja JU Kantonalna bolnica Zenica izvjestila je Ministarstvo zdravstva da su do sada po navedenom ugovoru ispostavljene dvije privremene situacije i to:

- prva privremena situacija broj: 101214 na iznos 182.552,12 KM ispostavljena dana 31.10.2023. godine, koja je plaćena 13.11.2023. godine i
- druga privremena situacija broj: 101441 na iznos 245.658,94 KM ispostavljena dana 29.12.2023. godine, koja je plaćena 16.01.2024. godine.

Članom 2. tačkom f) Odluke Vlade Kantona broj: 02-11-19477/23 od 28.12.2023. godine utvrđeno je da će se ova nabavka finansirati iz sredstava dodijeljenih Zeničko-dobojskom kantonu po osnovu Odluke Vlade Federacije BiH o utvrđivanju kriterija i raspodjele sredstava utvrđenih Budžetom Federacije Bosne i Hercegovine za 2023. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovim-kantoni“, V.broj: 710/2023 od 19.05.2023. godine („Službene novine Federacije BiH“, broj: 38/23).

JU Kantonalna bolnica Zenica je zaključila Ugovor broj: 22-04-6541/23 od 11.09.2023. godine za izgradnju objekta za tretman infektivnog otpada. Ukupna vrijednost ugovorenih radova iznosi 550.779,14 KM sa PDV-om sa plaćanjem bezavansno u roku od 60 dana od dana završetka i primopredaje radova za svaku privremenu situaciju, a prema ispostavljenoj fakturi. Izvođač radova prema Ugovoru se obavezao da će ugovorene radove izvršiti u roku od 6 mjeseci od dana uvođenja u posao od strane ovlaštenog lica. Ministarstvo zdravstva je sa 31.12.2023. godine po ovom osnovu transferisalo JU Kantonalna bolnica Zenica ukupan iznos odobrenih sredstava.

Do izrade ovog izvještaja JU Kantonalna bolnica Zenica izvijestila je Ministarstvo zdravstva da su do sada po navedenom ugovoru ispostavljene dvije privremene situacije i to:

- a) prva privremena situacija broj: 116/23 na iznos 56.093,05 KM ispostavljena dana 28.11.2023. godine, koja je plaćena 16.01.2024. godine i
- b) druga privremena situacija broj: 131/23 na iznos 21.901,85 KM ispostavljena dana 28.12.2023. godine, koja je plaćena 16.01.2024. godine

Članom 2. tačkom f) Odluke Vlade Kantona broj: 02-11-19477/23 od 28.12.2023. godine utvrđeno je da će se ova nabavka finansirati iz sredstava dodijeljenih Zeničko-dobojskom kantonu po osnovu Odluke Vlade Federacije BiH o utvrđivanju kriterija i raspodjele sredstava utvrđenih Budžetom Federacije Bosne i Hercegovine za 2023. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovim-kantoni“, V.broj: 710/2023 od 19.05.2023. godine („Službene novine Federacije BiH“, broj: 38/23).

Odlukom o odobravanju sredstava za pokriće troškova nabavke građevinskih radova u 2023. godini broj: 02-11-18457/23 od 11.12.2023. godine odobrena su sredstva u iznosu 12.803,25 KM za pokriće troškova sanacije asfaltnih površina na saobraćajnicama unutar kruga JU Kantonalna bolnica Zenica, a na osnovu fakture dobavljača „Komgrad ZE“ broj: S22-3/23-S22 od 20.01.2023. godine i ista su transferisana JU Kantonalna bolnica Zenica dana 21.12.2023. godine.

1.2. Nabavka rezervnih dijelova za medicinsku i nemedicinsku opremu-planirana sredstva 24.284,04 KM

Vlada Kantona je Odlukom o odobravanju sredstava broj:02-11-18445/23 od 11.12.2023. godine odobrila sredstva u iznosu 10.201,23 KM za pokriće troškova nabavke rezervnih dijelova po osnovu fakture dobavljača „Medical“ d.o.o. Mostar, broj: 23-390-000203 od 22.08.2023. godine za nabavku sonde 3SC-RS-rezervni dio za medicinsku opremu proizvođača „General electric“.

Na dan 31.12.2023. godine nije bilo obaveza po osnovu navedene odluke o odobravanju sredstava.

2. Kapitalni transferi za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine-planirana sredstva 2.866.292,00 KM.

U sljedećem pregledu dati su podaci o odlukama o odobravanju sredstava za finansiranje kapitalnih projekata iz Budžeta FBiH i to:

Red. br.	Svrha odobrenja sredstava-nabavka po Planu investiranja	Program Budžet 2023. godine	Broj Odluke	Iznos odobren Odlukom	Izvršenje januar-decembar 2023. godine
----------	---	-----------------------------	-------------	-----------------------	--

1.	Odluka o odobravanju sredstava Gradu Zenica za sufinansiranje izgradnje objekta Službe hitne medicinske pomoći sa pratećim sadržajima u Zenici	1.500.000,00	02-11-12316/23 od 03.08.2023. godine	1.500.000,00	1.500.000,00
2.	Odluka o odobravanju sredstava JU „Dom zdravlja sa stacionarom“ Žepče za sufinansiranje izgradnje objekta ambulate porodične medicine u Željeznom Polju, Općina Žepče	200.000,00	02-11-12315/23 od 03.08.2023. godine	200.000,00	200.000,00
3.	Odluka o odobravanju sredstava JU „Dom zdravlja sa stacionarom Žepče“ za nabavku sanitetskog vozila	136.292,00	02-11-9842/23 od 15.06.2023. godine	136.292,00	133.029,00
4.	Odluka o odobravanju sredstava JU Dom zdravlja „Prim. dr. Mijo Grgić“ Usora za nabavku RTG aparata	200.000,00	02-11-9843/23 od 15.06.2023. godine	200.000,00	200.000,00
5.	Odluka o odobravanju sredstava JU Opća bolnica Tešanj za finansiranje nabavke digitalnog mamografa	250.000,00	02-11-9844/23 od 15.06.2023. godine	250.000,00	250.000,00
6.	Odluka o odobravanju sredstava Gradu Zenica za sufinansiranje izgradnje objekta Ambulate porodične medicine sa pratećim sadržajima u MZ Perin Han u Zenici	580.000,00	02-11-15368/23 od 11.10.2023. godine	580.000,00	580.000,00
	UKUPNO	2.866.292,00		2.866.292,00	2.863.029,00

1. Vlada Zeničko-dobojskog kantona Zaključkom broj:11-11-10982/23 od 07.07.2023. godine i Zaključkom broj:11-11-10983/23 od 07.07.2023. godine dala je saglasnosti ministrici Ministarstva zdravstva da potpiše sporazume o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici i Projekta izgradnje objekta ambulate porodične medicine u Željeznom Polju, Općina Žepče.

Dana 12.07.2023. godine ministrica Ministarstva zdravstva i gradonačelnik Grada Zenica potpisali su **Sporazum o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici**, a Odlukom o odobravanju sredstava broj: 02-11-12316/23 od 03.08.2023. godine odobrena su sredstava Gradu Zenica u iznosu 1.500.000,00 KM za finansiranje ovog projekta u 2023. godini.

Sredstva su transferisana Gradu Zenica dana 16.08.2023. godine. U skladu sa tačkom 4. Odluke o odobravanju sredstava broj: 02-11-12316/23 od 03.08.2023. godine, Grad Zenica je bio dužan do 15.02.2024. godine izvijestiti Ministarstvo zdravstva o statusu realizacije projekta na dan 31.12.2023. godine. Prema Izvještaju Grada Zenica broj: 07-45-8615/23 od 13.02.2024. godine zaključen je Ugovor za izvođenje radova na izgradnji zgrade Službe hitne medicinske pomoći sa pratećim sadržajima broj: 02-11-8564-4/23 od 31.07.2023. godine sa „ITC“ d.o.o. Zenica i isti je dostavljen Ministarstvu zdravstva dana 07.08.2023. godine.

Prema dostavljenom izvještaju u proteklom periodu izvršen je iskop građevinske jame, izmještene stare i položene instalacije za sve komunalne usluge, izvršeno betoniranje temeljne AB ploče, završeni armirački radovi počelo zidanje vanjskih zidova objekta. Obzirom na početak građevinske sezone u narednom periodu se očekuje intenziviranje građevinskih radova. Prema Izvještaju Grada Zenica do 13.02.2024. godine ukupno je utrošeno 1.026.049,26 KM, od čega se iznos sredstava od 642.245,59 KM odnosi na sredstva koja je Gradu Zenica doznala Vlada Kantona. Utrošena sredstva se odnose na dvije fakture: Faktura-otpremnica br. 5-62/23 od 30.09.2023. godine u iznosu 60.781,62 KM i Faktura-otpremnica br. 5-1/24 od 31.01.2024. godine u iznosu 581.483,97 KM.

Ostatak odobrenih i transferisanih sredstava u iznosu 857.734,41 KM Grad je dužan pravdati

do 31.07.2024. godine.

2. Dana 12.07.2023. godine ministrica Ministarstva zdravstva, načelnik Općine Žepče i direktorica JU „Dom zdravlja sa stacionarom“ Žepče potpisali su **Sporazum o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče**, a Odlukom o odobravanju sredstava broj: 02-11-12315/23 od 03.08.2023. godine odobrena su sredstva JU „Dom zdravlja sa stacionarom“ Žepče u iznosu 200.000,00 KM za finansiranje ovog projekta u 2023. godini.
Sredstva su transferisana JU „Dom zdravlja sa stacionarom“ Žepče dana 16.08.2023. godine. U skladu sa tačkom 4. Odluke o odobravanju sredstava broj: 02-11-12315/23 od 03.08.2023. godine, JU „Dom zdravlja sa stacionarom“ Žepče je bila dužna do 15.02.2024. godine izvijestiti Ministarstvo zdravstva o statusu realizacije projekta na dan 31.12.2023. godine. Prema Izvještaju JU „Dom zdravlja sa stacionarom“ Žepče broj: 02-04-3-16-50/24 od 19.01.2024. godine ova zdravstvena ustanova je zaključila Ugovor za izvođenje radova na izgradnji ambulate u Željeznom polju broj: 01-30-2-99-09/24 od 15.01.2024. godine sa „Hunes“ d.o.o. Žepče. Ukupna vrijednost ugovorenih radova je 270.500,00 KM bez PDV-a (316.485,00 KM sa PDV-om). Rok za izvođenje radova je 9 mjeseci od uvođenja izvođača radova u posao. U skladu sa ugovorenim obavezama plaćanje će se vršiti u roku 60 dana od dana prijema privremene situacije/računa za uspješno izvedene radove.

3. Odlukom o odobravanju sredstava **JU „Dom zdravlja sa stacionarom“ Žepče** za nabavku sanitetskog vozila broj: 02-11-9842/23 od 15.06.2023 godine odobrena su sredstva u iznosu 136.292,00 KM.

U skladu sa članom 2. stav 2) Odluke sredstva se transferišu na osnovu Odluke o odobravanju sredstava i zaključenog ugovora o nabavci.

Sredstva su transferisana JU „Dom zdravlja sa stacionarom“ Žepče dana 24.10.2023. godine, na osnovu zaključenog Ugovora sa „Pavić Komerc“ d.o.o. Ljepunice Tuzla, broj: 01-30-2-99-756-a/23 od 02.10.2023. godine. Ugovorena vrijednost sanitetskog motornog vozila - CITROEN JUMPER FURGON Confort 33L2H2 Blue 140 S&S BVM6 iznosi 133.029,00 KM sa PDV-om. U skladu sa tačkom 5. Ugovora prodavac se obavezuje isporučiti vozilo u roku 120 dana od dana zaključenja ugovora.

JU „Dom zdravlja sa stacionarom“ Žepče je dužna Ministarstvu zdravstva pravdati namjenski utrošak sredstava dostavljanjem fakture i dokaza o uplati sredstava dobavljaču u skladu sa obavezama iz ugovora.

JU „Dom zdravlja sa stacionarom“ Žepče dopisom broj: 02-04-3-16-114/24 OD 19.02.2024. godine izvijestila je Ministarstvo zdravstva da je dobavljač „Pavić Komerc“ d.o.o. Ljepunice Tuzla isporučila sanitetsko vozilo, te je dostavljen Rn broj I23-006-1/24 od 30.01.2024. godine i dokaz o uplati sredstava dobavljaču na iznos 133.029,00 KM. Imajući u vidu prethodno opravdan je namjenski utrošak sredstava odobrenih Odlukom broj: 02-11-9842/23 od 15.06.2023 godine.

4. Odlukom o odobravanju sredstava **JU Dom zdravlja „Prim. dr. Mijo Grgić“ Usora** za nabavku RTG aparata broj: 02-11-9843/23 od 15.06.2023 godine odobrena su sredstva u iznosu 200.000,00 KM.

U skladu sa članom 2. stav 2) Odluke sredstva se transferišu na osnovu Odluke o odobravanju sredstava i zaključenog ugovora o nabavci.

JU Dom zdravlja „Prim. dr. Mijo Grgić“ Usora je dopisom broj: 13-12/23 od 06.12.2023. godine izvijestio Ministarstvo zdravstva da je postupak javne nabavke pokrenut 17.07.2023. godine, a da je ponuđač „Siemens medicina“ d.o.o. Sarajevo dana 21.08.2023. godine izjavio žalbu na tendersku dokumentaciju. Rješenjem Ureda za žalbe broj: JN2-03-07-1-

2371-7/23 od 09.10.2023. godine odbijena je žalba ponuđača, te se postupak javne nabavke nastavio uz pomjeranje rokova za dostavu ponuda.

Dana 15.11.2023. godine, nakon provedenog postupka javne nabavke, JU Dom zdravlja „Prim. dr. Mijo Grgić“ Usora donio je Odluku o izboru najpovoljnijeg ponuđača broj: 24-11/23 koja je dana 16.11.2023. godine dostavljena svim ponuđačima. Dana 29.11.2023. godine „Siemens medicina“ d.o.o. Sarajevo izjavila je žalbu na navedenu Odluku. JU Dom zdravlja „Prim. dr. Mijo Grgić“ Usora je dana 06.12.2023. godine proslijedio Uredu za razmatranje žalbi kompletnu dokumentaciju u vezi predmetne nabavke.

Nesporno je da predmetna nabavka nije okončana zbog izjavljene žalbe, te da do kraja 2023. godine nije moglo doći do zaključenja ugovora o nabavci. U skladu sa prethodno navedenim Vlada Kantona je donijela Odluku o odobravanju sredstava JU Dom zdravlja „Prim. dr. Mijo Grgić“ Usora za nabavku RTG aparata broj: 02-11-19089/23 od 21.12.2023 godine, a prethodnu Odluku broj: 02-11-9843/23 od 15.06.2023 godine stavila van snage. U novoj odluci o odobravanju sredstava izmjenjeni su uslovi transferisanja sredstava i način pravdanja odobrenih sredstava. U skladu sa članom 2. stav (2) Odluke broj: 02-11-19089/23 od 21.12.2023 godine sredstva u ukupnom iznosu se transferišu na osnovu Odluke o odobravanju sredstava.

U skladu sa članom 4. Odluke JU Dom zdravlja „Prim. dr. Mijo Grgić“ Usora je dužna do 15.02.2024. godine izvijestiti Ministarstvo zdravstva o statusu predmetne nabavke, a nakon okončanja postupka javne nabavke dostaviti ugovor o nabavci i dokaze u uplati sredstava dobavljaču.

JU Dom zdravlja „Prim. dr. Mijo Grgić“ Usora je dostavio Ministarstvu zdravstva Ugovor o nabavci RTG aparata broj: 59-01/24 od 23.01.2024. godine zaključen sa „Berg“ d.o.o. Sarajevo. Ukupna ugovorena vrijednost nabavke je 195.000,00 KM bez PDV-a, odnosno 228.150,00 KM sa PDV-om. U skladu sa zaključenim ugovorom rok za isporuku RTG aparata je 60 dana od zaključivanja ugovora, a rok plaćanja je 30 dana nakon ispostavljenе fakture dobavljača, obostrano potpisanog zapisnika o kvantitativnom pregledu robe, prijemu robe, puštanju u rad i potvrde o obavljenoj obuci za rad. JU Dom zdravlja „Prim. dr. Mijo Grgić“ Usora dužan je dostaviti Ministarstvu zdravstva fakturu i dokaz o plaćanju u skladu sa obavezama iz zaključenog ugovora.

Članom 2. tačkom f) Odluke Vlade Kantona broj: 02-11-19477/23 od 28.12.2023. godine utvrđeno je da će se ova nabavka finansirati iz sredstava dodijeljenih Zeničko-dobojskom kantonu po osnovu Odluke Vlade Federacije BiH o utvrđivanju kriterija i raspodjele sredstava utvrđenih Budžetom Federacije Bosne i Hercegovine za 2023. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovim-kantoni“, V.broj: 710/2023 od 19.05.2023. godine („Službene novine Federacije BiH“, broj: 38/23).

5. Odlukom o odobravanju sredstava **JU Opća bolnica Tešanj** za finansiranje nabavke digitalnog mamografa broj: 02-11-9844/23 od 15.06.2023 godine odobrena su sredstva u iznosu 250.000,00 KM.

U toku realizacije Projekta „Od spoznaje do liječenja: Žene glavni nosioci prava na zdravlje u BiH“, koji je sufinansirala italijanska Agencija za kooperaciju i razvoj (AICS), a realizovan je u partnerstvu sa RE.TE.- Udruženje tehničara za solidarnost i međunarodnu saradnju, Ministarstvom zdravstva Zeničko-dobojskog kantona, Zavodom zdravstvenog osiguranja Zeničko-dobojskog kantona, JU Institut za zdravlje i sigurnost hrane Zenica i JU Kantonalna bolnica Zenica, italijanski partner je donirao sredstva u iznosu od 66.750,74 KM za nabavku medicinskog aparata tomosinteza (uplata donacije je izvršena 29.06.2023. godine).

Vlada Kantona donijela je Odluku broj: 02-11-19323/23 od 25.12.2023. godine kojom se odobravaju sredstva u iznosu 25.067,00 KM za finansiranje nabavke tomosinteze za digitalni mamograf.

U skladu sa članom 2. stav (2) Odluke o odobravanju sredstava broj: 02-11-9844/23 od 15.06.2023 godine, transfer sredstava zdravstvenoj ustanovi će se izvršiti po okončanju postupka javne nabavke, a na osnovu zaključenog ugovora o nabavci.

JU Opća bolnica Tešanj provela je postupak javne nabavke i zaključila Ugovor broj: 9228/23 od 29.11.2023. godine sa dobavljačem „Medical“ d.o.o. za nabavku digitalnog mamografa sa tomosintezom ukupne vrijednosti 275.067,00 KM i sredstva u iznosu 250.000,00 KM su transferisana dana 20.12.2023. godine.

Odobrena sredstva u iznosu 25.067,00 KM odnose se na realizaciju dijela Ugovora broj: 9228/23 od 29.11.2023. godine, koji je JU Opća bolnica Tešanj zaključila sa dobavljačem „Medical“ d.o.o. Mostar za nabavku digitalnog mamografa sa tomosintezom ukupne vrijednosti 275.067,00 KM, od čega je 250.000,00 KM finansirano po Odluci Vlade Kantona broj: 02-11-9844/23 od 15.06.2023. godine („Službene novine Zeničko-dobojskog kantona“ broj: 10/23“), a nedostajuća sredstva finansiraju se iz sredstava donacije koju je uplatilo RE.TE.- Udruženje tehničara za solidarnost i međunarodnu saradnju u okviru realizacije Projekta „Od spoznaje do liječenja: Žene glavni nosioci prava na zdravlje u BiH” kojim se razvija mamografski skrining program Zeničko-dobojskog kantona u skladu sa evropskim smjernicama.

Članom 2. tačkom f) Odluke Vlade Kantona broj: 02-11-19477/23 od 28.12.2023. godine utvrđeno je da će se sredstva u iznosu 250.000,00 KM finansirati iz sredstava dodijeljenih Zeničko-dobojskom kantonu po osnovu Odluke Vlade Federacije BiH o utvrđivanju kriterija i raspodjele sredstava utvrđenih Budžetom Federacije Bosne i Hercegovine za 2023. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovim-kantoni“, V.broj: 710/2023 od 19.05.2023. godine („Službene novine Federacije BiH“, broj: 38/23).

JU Opća bolnica Tešanj dopisom broj: 01-02-1254/24 od 16.02.2024. godine izvjestila je Ministarstvo zdravstva da je ovoj zdravstvenoj ustanovi isporučen digitalni mamograf, te da je u toku proce instalacije i verifikacije medicinskog uređaja.

6. Vlada Zeničko-dobojskog kantona Zaključkom broj:11-11-15197/23 od 09.10.2023. godine dala je saglasnosti ministrici Ministarstva zdravstva da sa Gradom Zenica potpiše sporazum o zajedničkom finansiranju Projekta izgradnje objekta Ambulante porodične medicine sa pratećim sadržajima u MZ Perin Han u Zenici.

Dana 09.10.2023. godine ministrica Ministarstva zdravstva i gradonačelnik Grada Zenica potpisali su **Sporazum o zajedničkom finansiranju Projekta izgradnje objekta Ambulante porodične medicine sa pratećim sadržajima u MZ Perin Han u Zenici**, a Odlukom o odobravanju sredstava broj: 02-11-15368/23 od 11.10.2023. godine odobrena su sredstva Gradu Zenica u iznosu 580.000,00 KM za finansiranje ovog projekta.

Sredstva su transferisana Gradu Zenica dana 20.12.2023. godine. U skladu sa tačkom 4. Odluke o odobravanju sredstava broj: 02-11-15368/23 od 11.10.2023. godine, rok za pravdanje sredstava je 12 mjeseci nakon potpisivanja ugovora o izvođenju radova.

MINISTRICA

